



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

20 20 оны 07 сарын 29 өдөр

Дугаар А/435

Алтай хот

Эргүүл, хяналт шалгалтын ажил
зохион байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2, 32 дугаар зүйлийн 32.7 дахь хэсэг, Байгаль орчныг хамгаалах тухай хуулийн 16 дугаар зүйлийн 16.2.1, 16.2.10, Амьтны тухай хуулийн 5 дугаар зүйлийн 5.5.1, 11 дүгээр зүйлийн 11.1.9 дэх заалт, Байгаль орчин, аялал жуулчлалын сайдын 2017 оны А/278 дугаар тушаалыг тус тус үндэслэн ЗАХИРАМЖЛАХ нь:

1. Байгаль орчныг хамгаалах тухай, Амьтны тухай хуулиудын хэрэгжилтийг хангах, байгалийн нөөц баялгийг хууль бусаар ашиглах явдлыг таслан зогсоох, сургалт сурталчилгааг тогтмол иргэдэд хүргэх, мэдээлэх, хяналт шалгалтыг эрчимжүүлэх зорилгоор "Хавхгүй-Алтай" аяныг үргэлжлүүлэн зохион байгуулж хууль сахиулах байгууллагуудын хамтарсан эргүүл, хяналт шалгалтыг 2020 оны 7 дугаар сарын 20-ны өдрөөс 2020 оны 10 дугаар сарын 15-ны өдөр хүртэлх хугацаанд зохион байгуулсугай.
2. Эргүүл хяналт шалгалтын ажлын нэгдсэн төлөвлөгөөг батлуулж тарваган тахал болон амьтны гаралтай өвчлөлөөс урьдчилан сэргийлэх зорилгоор зэрлэг амьтны түүхий мах, нойтон арьс зэргийг төв суурин газарт оруулахгүй байх, халдвар хамгааллын дэглэмийг мөрдүүлж, аймаг, сумын төв, суурин газруудад байнгын пост гаргаж, хамтарсан баг ажиллуулахыг Цагдаагийн газар (Д.Болдсайхан), Онцгой байдлын газар (З.Баттулга), Эрүүл мэндийн газар (Ц.Туяа), Мэргэжлийн хяналтын газар (Б.Түмэнбаатар), Зооноз өвчин судлалын төв (С.Батсайхан), Байгаль орчин, аялал жуулчлалын газар (Д.Батмагнай), сумдын Засаг дарга нарт тус тус даалгасугай.
3. "Хавхгүй-Алтай" аяны хугацаанд урьдчилан сэргийлэх зорилгоор иргэдэд чиглэсэн мэдээлэл сурталчилгааг тогтмол зохион байгуулах, зөрчил илрүүлсэн, илрүүлэхэд туслалцаа үзүүлсэн иргэдийг урамшуулах ажлыг эрчимжүүлж ажиллахыг сумдын Засаг дарга нарт үүрэг болгосугай.
4. Эргүүл хяналт шалгалт, урьдчилан сэргийлэх мэдээлэл сурталчилгааны ажлыг хангалтгүй зохион байгуулж тарваган тахал болон бусад амьтны гаралтай өвчлөл гарсан нөхцөлд тухайн сумдын Засаг даргад хариуцлага тооцож ажиллахыг Төрийн захиргааны удирдлагын хэлтэс (Д.Отгонбаяр)-т даалгасугай.
5. Захирамжийн хэрэгжилтэд байнгын хяналт тавьж, мэдээлж ажиллахыг Хөрөнгө оруулалт, хөгжлийн бодлого төлөвлөлтийн хэлтэс (П.Баасан)-т даалгасугай.
6. Захирамжийн хүрээнд зохион байгуулсан ажлын дүн мэдээг аймгийн онцгой комисст тогтмол мэдээлж, ажлын тайланг 2020 оны 10 дугаар сарын 18-ны өдрийн дотор Засаг даргын зөвлөлийн хуралд танилцуулахыг Байгаль орчин, аялал жуулчлалын газар (Д.Батмагнай)-т үүрэг болгосугай.

ОРЛОГЧ


Ж.ГАНБАТ

C:/My documents/ZAHNR-3A-4 doc

0201001045